

# নজরুল বিশ্ববিদ্যালয়ে ৩য় আন্তর্জাতিক নাট্যোৎসব শুরু

নজরুল বিশ্ববিদ্যালয় সংবাদদাতা  
১৪ জুলাই ২০২৫, ১২:০০ এএম



জাতীয় কবি কাজী নজরুল ইসলাম বিশ্ববিদ্যালয়ের নাট্যকলা ও পরিবেশনা বিদ্যা বিভাগের আয়োজনে শুরু হয়েছে ‘৩য় আন্তর্জাতিক নাট্যোৎসব ২০২৫’। গতকাল রবিবার পাঁচ দিনব্যাপী এ নাট্যোৎসবের উদ্বোধন করেন উপাচার্য অধ্যাপক ড. মো. জাহাঙ্গীর আলম। বিভাগের বিভাগীয় প্রধান ড. মো. কামাল উদ্দীনের সভাপতিত্বে উদ্বোধনী অনুষ্ঠানে বিশেষ অতিথি হিসেবে উপস্থিত ছিলেন ট্রেজারার অধ্যাপক ড. জয়নুল আবেদীন সিদ্দিকী, কলা অনুষদের ডিন অধ্যাপক ড. মোহাম্মদ ইমদাদুল হুদা এবং কোরিয়ার মাইম অভিনেতা ও কোরিয়া মাইম অ্যাসোসিয়েশনের প্রেসিডেন্ট মি. লি জিয়ংছুন। বিভাগের প্রভাষক রুদ্দ সাওজালের সঞ্চালনায় স্বাগত বক্তব্য রাখবেন সহযোগী অধ্যাপক মো. আল জাবির। উৎসবে দেশ-বিদেশের খ্যাতনামা শিল্পীদের অংশগ্রহণে মোট সাতটি নাটক মঞ্চস্থ হবে। উৎসবের শেষ দিন ১৭ জুলাই নাট্যজন সম্মাননা প্রদান করা হবে মানিকগঞ্জের পালাকার ও বাউলশিল্পী সাইদুর রহমান বয়াতীকে।